

DEO OPT. MAX. VNI ET TRINO, VIRGINI DEIPARÆ, ET S. LVCE ORTHODOX. MEDICORVM PATRONO.

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM. DIE IOVIS XXVIII. NOVEMBRIS.

M. IOANNE DE SAINT-YON Doctore Medico, Moderatore.

An insalubrius degunt Infantes alio quàm sanæ Parentis lacte educati?

971

VT quis toto vitæ curriculo salubriter & sine molestia degat, non satis est è valido parentum semine firmam traxerit corporis constitutionem: nisi qualem primum accepit, deinceps tueatur omni præsidiorum genere; maxime verò idoneâ victus lege, cuius ea vis est eximia; vt eius vnus opus etiam hereditarij morbi radicitus interdum exscindantur, aut certè magnâ ex parte mitigentur: nec rarò deploratæ valetudinis homines præter suam, & Medicorum spem, è dubijs aggritudinum vadis ad optatum prosperæ sanitatis portum emergant. Rerum omnium quæ nos mutant, habenda quidem Medico ratio: Imprimis verò cibi & potus, qui inter evidentes sanitatis atque morborum causas iure principem sibi locum vendicant; siue quod permanentem ac inhærentem corpori materiam suppetitando, validius contumaciâque ipsam afficiunt: siue quia dum in ventriculum, intestina, mezentrium, jecur, & venas illabuntur, vires tacitas & quasi sopitas, quibus pollent, exerunt, isque vniversum imbuunt corpus. Miraris graves ac difficiles plerisque morbos sponte emanare, nullo alterius causæ impulsu, cogita quàm sæpe in victu peccaveris: nec amplius tui te causa latebit morbi.

SVMMAS temperamentorum differentias facile proprijs signis internoscere potest, quisquis Medicinam à limine salutavit: propriam cuiusque naturam, ac peculiarem temperamenti rationem, ἰδιονυκαρίαις vulgò vocant, nullus nisi sagax & ad vnguem perfectus Medicus, qui tum demum ad artis apicem pervenisse censendus est, cum alimentorum quoque facultates, ac vernaculas qualitates ita habuerit exploratas, vt privato cuique, privatum, & substantiâ viribusque simillimum accommodet alimentum, quo possit vita nativusque calor, in eo quo debet, statu conservari, non possit immutari. Eam verò accuratam in præscribendis cuique cibis cautionem quotusquisque nunc adhibet? Alter sibi videtur Æsculapius, qui singularem eorum temperiem & naturam è speciei temperamento novit utcumque definire, cum interim loci, temporis, ætatis, aliorumque accidentium ratione, suo quique modo magis ab invicem discrepent, quàm moribus, & vultu singuli homines. Cur iuxta fluvios salices, in paludibus alni, in montibus omni nascuntur & lætius adolescunt? cur hic gramina, alibi arbores, hic segetes, illic veniunt maturius vix? nisi quod singulis amica cuique solo natura subest: animadvertit vt eadem planta quæ in hac teræ plaga impune editur, in illa venenam est præsentissimum? Ecce ignava in quibusdam regionibus medicamenta, in alijs effrenatâ vi purgant. Vulgare equi alimentum scænum est: at hoc apto in fundo ortum, avidè expetit: illud ne fame quidem confectus attingit, aut degustatum illico respuit. Planè eadem est hominum ratio, quorum saluti tum demum præclarè consulitur, cum in locum substantiæ perpetuò è corpore defluentis, prorsus congener & cognata reponitur: Hanc porro tuendæ valetudinis summam, nunquam tutius exprimes, quàm si ducem sequaris Naturam, similitum omnino rapacem, & cupidam.

CVM in vtero producitur homo, vbi è parentis utriusque semine iacta sunt prima solidarum partium fundamenta, illabitur statim maternus sanguis, ex quo vt inania replentur illarum spacia, & viscera carnosâ: quæ partes omnino coalescunt, sic deinceps omnes peraq̃ nutrimentum capiuntque in dies incrementum: ac ne hoc quidem emeret editus in lucem infans, duos illi Natura lactei liquoris fontes aperuit, è quibus duceret genuinum illum succum, quo prius in vtero alebatur, vt revera nascendo mutaret locum, non mutaret alimentum: placuit tenellis ac plusquam cereis membris cognatam applicando materiam, simul & ipsam matris temperiem imprimi, vt sic non corpore tantum, nec vultu foret, at morum quoque filius, per ipsa parentum vestigia hoc proclivore passu iturus, quod eodem planè luto facta gerat præcordia. Ne qua etiam fieret nominis amorisque materni divisio, mirâ providentiâ factum est, vt dum affixum pendentemque è mamma puerum pascit mater, suum ipsa pascat atque expleat animum, modò vbi cervicem flagrantia detorquet ad oscula, modò cum in prole se suamque contemplantur imaginem, menti & oculis tam pertinaciter quàm iucundè hæsuram. Hac cunctis viventibus communi lege prudens Natura voluit educari infantes, vt si quando sine causa fontica violeto, magnum id adferat soboli detrimentum, sæpe & in authorores tanti mali parentes redundaturum. Potior generandi formandique hominis pars est tenellis pueri nutritio: quæ liberos procreat, ferè incertum dat non sentienti beneficium, quæ genitum lactat, lactenti philtrum propinat certissimum: proli operam dare possunt, & solent ipsæ pecudes vilem Reipublice civem alere, soli planèque pauci homines.

CRIMEN omni supplicio maius admittit Tigride sævior mater, quæ prolem tadio educationis exponit: at non multò levius peccat, quæ recusat alere quem peperit; nisi tamen abortiisse verius, quàm peperisse dicenda est, quæ quod enixa est, mox velut invisum vteri onus abiicit. Noverca certè vel femimater haberi debet, quæ adhuc tepentem cogit alieno affluere cibo, plerumque suo maximo, quemadmodum & illius periculo; scilicet quæ metuit ne mammas pulchritudinis insignia devenustet, ac in præproperam incidat formæ iacturam, sæpe mortem incurrit præproperam, lactis averse fioni corruptionique imputandum: nec interim meliori loco res est infantuli, fortè rus, ad mammam conductitiam relegati. Vides vt triticum in aliud solum projectum degenerat in siliginem, vt plantis frugibusque translati, terræ succus mutat ingenium: huius tu corpusculum, mores & indolem non credes alieno lacte depravari? Frustra id gustu, visu, vnguibz exploraveris: occurrant si lubet expetitæ dotes, erit quod improbetur, si maternum desideratur, & vt non adeo referat, quem succum bibat mollis infantia, vllam-ne putas esse nutriticem quæ veluti mater placidè queat omnem nutritionis devorare molestiam? sordes, vagitus, morbos, servandis denique nunquam satis diligentem curam? Frustra accerfis Medicum qui mores ventur in vultu, qui ex ætate, voce, habitu, temperiem æstimet. Ista quæ compositis ad modestiam oculis Lucretiam simulat, vilis ancilla est, duræ, quæ premitur, servitutis impatiens: hæc forsitan fordidum est ac triobolare scortum, qui maximum id ac libidinem incentium, maximum è lacte vestigal: sic sæpe testis illicitæ veneris succus magno vixit apud stolidas puerperas, quæ suæ proli satis superque prospexisse arbitrantur, si perfecterint, vt tota culina industria dirigitur in nutriticem molititæ, otio, crudique alimenti copiâ disfluente: vt in opimo, probè oblimato, & stercoreato solo sponte natæ arbores promptius ac generosius adolescunt, non item peregrinæ; sic frustra lac, quæris infanti copiosum, nisi & familiare præbes ac notum. Causantur apud nos multæ teneram ætatum, dubiam sanitatem, ipsum denique virum, qui matrem ipsam maternis vacare vetat officijs. Nempe iam eò venerè mores, vt ad luctam validæ solaque libidine fortes mulieres tum demum bellè secum actum iri putent, si perpetuò libidinentur; rarò pariant, nunquam lactare iubeantur.

DICI vix potest quantum infanti officiant nutritices, quæ lacte defectu pulciculam, aut vinum aquâ dilutum, vel nondum solidioribus cibis parem cogunt pane, pomis, atque carnibus vesci, aut diutius esurire: nec verò in eius commoda minus peccant, quæ ne tantisper vagientem exaudiant, crudo, saturo & vomituriens centies in die mammam admovent: sic propè in omnibus meritis desideres idoneum alimentum, sed & meritis desideres amorem ac studium: nec enim parum interest quo pacto puerile corpus ab ipso protinus ortu curetur. Vt illi bene sit, non solum lactis, quanquam ferè caput est, delectus expetitur: sed etiam loci, domus, linteorum, somni, motus, frictio, vndionum, ac vestitus. Quod multi passim occurrant pravâ indole, perditis moribus, crasso ingenio, imbecillo & plerisque morbis obnoxio corpore, facit lac alioqui, & nutriticum intemperantia: quod non ferè pauciores sint gibbi, valgi, vari, cornepenes, claudi, fractis lumbis, distortis membris, fatigato capite, compresso thorace, ventre prominulo, sanè acceptum ferendum est earumdem incuriæ: scilicet quem vel ipsa negligit mater, perbellè curabit mercede conductâ mulier, cui nonnihil pecuniæ plus est, quàm torus homo? & hoc monstrum similes partus frequentius nunc deprehendas in illustri familia, quàm in pauperum casa. Hinc sæpe filij Heroum noxæ. Quid quod interdum crimen crimine tegitur? ac sicubi vel sponte mortuus, vel imprudenter casu aliquo oppressus sit puer, suffectus alius parentibus credulis & imprudentibus impudenter obruitur, ne non aliquando procedat menstruum pro alumni victu stipendium. Sic hodie damnosa nocet sobolis negligentia; sic ætas parentum peior avis, tulit nos nequiores, duros quoque mox progeniem vitiosorem.

Ergo insalubrius degunt Infantes alio quàm sanæ Parentis lacte educati.

Proponebat Lutetiæ IOANNES DE MONTIGNY, Abrincensis, A. R. S. H. M. DC. XLVII.

DOMINI DOCTORES DISPVATVRI.

M. Rolandus Merlet.

M. Stephanus le Gagneur.

M. Petrus Bourdelot.

M. Quintinus Thevenin.

M. Carolus le Breton.

M. Claudius Perraut.

M. Carolus le Clerc.

M. Ioannes Bourgeois.

M. Mauritius de Monfrail.



412